

SKUPŠTINA KANTONA SARAJEVO
NAROD I PRAVDA

VLADA KANTONA SARAJEVO
MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA

PREDMET: ZASTUPNIČKA INICIJATIVA

Na osnovu članova 106. i 214. Poslovnika Skupštine Kantona Sarajevo ("Službene novine Kantona Sarajevo" broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24) podnosim zastupničku inicijativu Ministarstvu komunalne privrede, infrastrukture, prostornog uređenja, građenja i zaštite okoliša:

- Da u suradnji sa KJKP "RAD" i Medžlisom Islamske zajednice Sarajevo utvrdi lokacije, način i dinamiku odlaganja i prikupljanja kurbanskih koža i ostalog animalnog otpada.
- Da u suradnji sa Kantonalnom upravom za inspeksijske poslove osigura pojačanu kontrolu kantonalnih veterinarskih inspektora na terenu u cilju pregleda živih životinja i mesa kod pravnih i fizičkih lica koja vrše prodaju i organizovano klanje kurbana.
- U cilju očuvanja zdravlja ljudi i okoliša molim da se poduzmu aktivnosti blagovremenog informisanja pravnih i fizičkih lica koja će organizovano ili individualno vršiti klanje kurbana o svim gore spomenutim aktivnostima kako kurbanske kože i animalni otpad ne bi završili u kontejnerima.
- Molim da se osigura adekvatna zaštita komunalnih radnika (stroga primjena adekvatne zaštitne opreme) koji svake godine budu izloženi prikupljanju ustajalih animalnih otpadaka, kao i obavezna dezinfekcija i pranje lokacija, kontejnera i vozila koja budu u kontaktu sa animalnim otpadom.

U cilju sistemskog i dugoročnog rješavanja ovog pitanja i njegovog uticaja na javno zdravlje, iniciram da se:

- godišnje planiraju sredstva za nabavku usluga prikupljanja kurbanskih koža i otpadaka uz strogu kontrolu načina zbrinjavanja i lokacija za odlaganje,
- osiguraju podsticajna sredstva u suradnji sa Ministarstvom privrede za preradu kože i vune u Kantonu Sarajevo kao izuzetno vrijednih sirovina za stare zanate, a koje, nažalost, završavaju kao nezbrinuti otpad.

Mersiha Mehmedagić, zastupnica, s.r.